

夷氛聞記

夷氛聞記卷五

噤喑啞瀕去留綠衣兵守香港五口分留夷目開市
司稅務之領事亦至所擄於甯波婦女有失鞵裂帛
纏其足者載入澳門夷樓作長夜飲香山鮑某方受
雇爲夷守門樓凡二層上居白夷下廝役其夜白夷
十餘同聚居一樓皆自江來留粵者婦女啼哭聲徹
樓下鮑一時憤甚思舉火燼其樓已他出覓得藥裹
以入矣轉思不忍婦女一時同死且慮火發救者至

已不能竄脫遽止

此聞諸鮑太史逸卿俊者云其族人也

英商在粵重

開市易益肆驕矜舊制大班不得乘肩輿入館至是散商出率乘坐遨遊通衢與內地人交易動因口舌陡起風波愈以忿爭爲強所留夷役沿街搜掠市店貨物買物論值未成逕攜以去又挾流娼招搖市上遇平民輒喝令急避否則鞭撲隨之市井之民受者已不可忍特畏官之禁慮因是滋爲禍首強自遏抑而姑容之始則會城衆怒難犯久而並所近村氓之

來城就工賈者無不積爲深怨嘆喁喁之未行也夷館遣役出買零物去不給值索之反被詈辱旁觀者不平助其回詈役遽入館糾衆夷持鳥鎗出視人跡多處施放有受傷者行道人一時駐足開觀不散其夜火忽自夷館起夷貨遷出盡爲百姓推擲地上無絲毫奪歸已者米利堅諸國商亦樓居毗連財物聽其搬出衛至河舟無一人越館界入援當火威發時聞萬口齊呼殺賊遠近水車赴救皆挺刃而止之員

弁以兵役至將為撲滅亦阻於萬手飛石不得前越

日火息而後散

二十二年十月初六日事嘆喁喧聞而憤懣移書

責墳索賠所失謂必舉兵入搜起釁匪類墳舉是日

實在巔末為書以復稱以領事戒勿縱釀後禍得書

乃不敢言

書云道光二十二年十月十四日得接來書備悉兩國商民近況竊以為責人須當

責己啟釁尤貴審機向者英國稱兵我皇上仁恩如天用許和好本部堂仰體聖主德意方且

勸諭兵民勿存芥蒂在領事更宜戒飭商民無得恃強招非乃在省夷商自向議和即縱兵役或在街市

攫物通價或引娼婦逐隊鞭人行路且為不平何況身受其毒本部堂屢申禁遏深恐為小忿而亂大謀

不料於初六日公司行內商人遣役買物又復不給
價不值百姓跟隨憤罵該役竟敢糾衆放鎗百姓被傷
不散及夜無端火發該商搬出貨物聞百姓扯碎擲
地毫無攘奪花旗等國財物並不越界搔擾兼之數
萬衆大呼殺賊報仇水車赴救俱被挺刃截止文武
員弁率兵彈壓亦被飛石攔阻各國商民共知本部堂
但思此等匪徒一時數萬衆齊心非同小可本部堂
豈不驚愕異常且百姓大呼殺賊報仇不知誰人爲
賊又不不知百姓與英國有何仇恨禍激至此我地方
雖令團練足恃猝遇奇變亦當分別細辦不致鹵莽
用事誠慮處置過迫本部堂與領事將有擔帶不起
之憂若領事確知數萬匪徒所在必欲盡數拿獲卽
使帶兵來省擒置重典本部堂爲安靖邊疆起見亦
各從其便至若該商散失銀兩黑夜之中良反難辨
此正宜詳究已飭文武員弁及昇平公所河南沿海
東西南北各鄉紳士義民通緝在案惟是兩國交兵

商民受害不獨英國爲然卽如上年焚我廬店掠我
貲財我國又將向誰索補照補之說諒亦英國商民
所不敢出諸其口者也刻下和議初定邊省諸臣皆
膺重罪伊大人來粵無期本部堂亦爲百姓指謫黜
陟莫保領事揣人情度時勢靜候章程爲便如必驕
兵自肆勝敗正未可逆料耳再者英國所招之漢奸
實內地之匪徒恐其熟知英國虛實習見英國貲財
將於香港海外號令而起領事未必安枕而卧彼臺
灣遭風被戮特其餘事設三省風應則和議遲延豈
不徒勞心力況我皇上素得民心而又將相迭出
不少奇人彼一時也領事自識經權無爲
夢夢卽前日到省之火船其急退出免令百姓猜嫌
並嗣後務須嚴禁商民勿再挾嫌恣行藉橫激變所
有三板船隻除搬貨外不得無故遊奕內河否則本
部堂惟知約束吾民而已至於匪徒數萬伏發斷不
獨任其咎茲體聖天子懷柔遠人之意畧佈心

腹惟領
事察照

同時澳門人亦有因英夷強橫殺其夷目於

澳者初奕山在粵時

上諭有捐助軍資及以破夷奇計獻而行之有驗者
皆予重賞一時上書言事者踵至奕山以軍務日無
暇晷而條陳者率請給貲自試切中事情者頗乏乃
令就紳士勸捐局之在會城大佛寺者收而准駁之
人既衆不能一一延諸座與爲面商也則但批其詞
使吏錄而懸諸門江蘇錢江者在粵不爲士夫所齒

當時以爲失待賢智禮遽肆晉局紳不可復耐乃言
於官召而訶斥之所交多爲不平何大庾者浙諸生
也爲婿於蔣文恪家嘗習申韓就院司幕工筆札則
徐始至保純延主隨員案牘旣而就駐澳道員易中
孚幕病中孚爲澳夷誘弄將入省代英夷請釋夷俘
先語則徐旣而中孚果詣請則徐以是信之久於粵
目擊府署幕之有與商人往還者慮有事必先洩於
夷屢切齒裂眦言之懷平夷之策卒不見用每就江

語會夷恃撫日益肆粵中人有思倡義民挫折之而不敢逕行者大夷乃撰爲文檄袖示填填面稱其文詞實不意其遽鏤板而張貼之也爲江勸聲言將以十月集粵紳府校明倫堂捐貲召勇示夷以威時欵夷甫數月船未返國當事懼有中變於是倡亂拘江而戍之新疆大夷遞籍自是粵紳無敢復言夷事後夷人不敢入粵城官紳受獎瑩與陸制軍書云廣東夷不入城官民同心也以如此可用之民前人不前殺伯麥之人倡爲文檄者當爲聲請可致書粵中

言及者英既代伊里布於粵相與議定開市章程云
竊照廣東福州廈門甯波上海五關議定英吉利國
出入貨物應完稅則及與該國互市章程現經臣等
另摺具奏伏查盤征關稅既須先籌國計又當俯恤
夷情現定章程於國計夷情似皆有裨向來粵東粵
海一關辦理公事不免掣肘但查此後閩浙江蘇所
收英吉利等西洋各國稅貨皆由粵海分出以粵海
一關而論稅數雖難免於稍絀而統五關而計彼此
互相挹注必當較往年有盈無絀臣等督飭臬司黃
恩彤侍衛咸齡體察情形悉心籌畫期於粵海關不
致廢弛稅貨尚能充足並可絕沿海漏卮以整頓內
地各關之稅務酌議九條敬為我皇上陳之一
海關原定稅額應暫歸五口勻攤以免偽折也查粵
海關每年應征外洋各國及內地商船及銅斤水脚
並額定盈餘每年一二十萬至三四十萬不等現在

既分五關通商則粵海關出入貨物必少若仍責令
照舊解征勢有所難此後粵海關征不足數應請暫
於福州廈門甯波上海四關所征西洋各關稅貨內
撥補足數卽由粵海關逕自撥撥其額外盈餘各歸
各關儘收儘解一五口征收西洋各國稅額應請試
行三年通行酌定以歸核實也查西洋各國貨稅本
爲福州廈門甯波上海四關所無現在甯海關將來
貿易之衰旺難以預擬稅額卽難定准原海關將五
能否征足舊額亦不能預定應請俟三年後察看五
口每年可征稅銀各若干比較准額再將粵海關原
額銀八十九萬九千六百四兩分釐算勻歸五口
作爲定額如有盈餘仍以額外盈餘擬撥一粵海關
稅貨款目應行刪除以歸簡易也查粵海關稅則除
正稅耗羨之外尚有節次改正歸公案內各官估價
一六算三八擔定頭總巡口擔規東礮臺口黃埔口
扁艇號規及船鈔內之進口規出口規日規月規等

項正耗計款歸作一條編征總計均尚有盈無絀之
銀節次之案內名目無論現在已未查明應請一概
刪除免多糾纏一平餘各貢等款應於額外盈餘項
下開銷以免無着也查粵關解部銀兩向有每千兩
加平餘銀十五兩係按稅加收今既歸作一條編征
則此項銀兩無從抽收請仿照解部飯食銀兩等項
在額外盈餘項下開銷之例各歸各關劃解又每年
應解各貢銀五萬五千兩人參變價約銀十萬兩上
下均有洋商按貨押算彙繳監督轉解內務府又有
放關分頭名目亦由洋商按船按貨抽算每年約銀
四五萬兩運繳糧道衙門發兌普濟堂老人口糧及
漢軍孤貧養贍義渡扁船水手工食恤嫠口糧各項
之用如有盈餘留備部撥現在英吉利國已議裁洋
商倘各國亦一體議裁則前三項銀兩亦歸無着應
請將每年變價參斤毋庸飭發其價銀一款每年以
十萬兩爲率與各貢銀五萬五千兩一併在各關額

外盈餘數內劃開視各關征稅數以多寡均勻攤解
其放關分頭銀兩每年於粵海關額外盈餘項下撥
銀四萬兩解支糧道衙門查照原案分別支發其餘
各國課稅仍須由洋商經理應酌留羨餘以各有用也
另行酌量辦理一粵海關應進貢稅及奉文傳辦將件連盤
查粵海關每年有應進貢稅及奉文傳辦將件連盤
貨包札經由各關稅銀等項計算約需銀十數萬兩
查應得羨餘均已歸入額外盈餘項下而一切均不
可少應請於粵海一關卽在卸貨關口納一關稅數
再准貿易如有偷漏照例懲辦與各國商無涉其餘
貨物悉循其舊海關丁書人等倘有藉口勒索許各
商據實控告嚴行提究一內地各省販茶葉湖絲大
黃紬緞不准外海載運以杜影射也查茶葉湖絲例
禁多出洋近因內地各關勒索過多致有內地各省
等行銷湖絲茶葉等項搭船載運內地各國應完稅銀
因而暫短實由於此現定章程西洋各國應完稅銀

大有加增與內地流通商貨稅則輕重懸殊易啟避
重就輕與洋船私相交易之弊嗣後除請販東洋等
由洋進口貨稅與本地民間日用諸物仍循其舊外
其有內地各省行銷茶葉湖絲綢緞正項准由內地
行走不准涉海倘有情願由海販運者即照與西洋
各國貨物例一體先稅方准販運出口如海關則例
內原有粗茶葉粗湖絲土絲等項名目全行刪除其
臺灣等處所有應用茶葉絲斤綢緞等物由各該督
撫體察情形各行奏明辦理以免紛更也查粵海關江
浙等省商民每多出入海口販運上至咸京下至廣
東往來貿易其所運貨物除茶葉土絲綢緞外均非
西洋各國所需無庸影射向來應完稅銀各有一定章
相安已久所有五處海關無論大關小口一切章程
悉仍其舊無庸另議一各項浮費應全行革除以杜
弊端也查各項浮費於雍正乾隆年間改正歸公之

後旋又陸續添出更多於前已全行裁革如再有需
索情事無論官弁兵役俱照枉法賍叅革治罪惟粵
海關差役並無工食向在進口出口貨物內由洋商
按貨抽給於乾隆九年經前任監督稟明准其存留
在案現在洋費裁撤未免令各差役枵腹從事應請
查明照海關書吏之例核給工食由臣填等酌定名
數另行辦理以上各條係就臣等管見所及隨條酌
議惟治法需人全在各海關監督深明通商爲撫馭
之要領少取卽所以多取之義廉以自持嚴會填以
以約束不稍逾越則中外相安海疆永靖矣
病開缺者英代督粵恩彤亦來陳臬事相與委曲調
停事事彌縫不使稍生衅隙番禺紳士潘仕成許祥
光及議官皆嘗出貲造船甚固而未可出洋於是有

四省合巡之議當事不果用

議云夷船在洋加履平地各省雖有戰艦從亦

聞有駕兵出洋攻剿之事故其駛行數省洋道如入無人之境其自洋而趨港也止畏內兵向前而拒不畏外兵從後而追銳意直進毫無顧忌屢勝之故端在於斯設使環洋經過之地有船可以堵截有兵可以攻擊彼方却退之不暇又安能飽掛風帆瞬息百里出沒超忽之若此其捷哉今宜創造堅大戰艦百艘艘各配以弁兵百人於廣東福建浙江江南四省外海水師營分各選精銳二千五百人多儲水食礮械以實之抽移內河陸路名糧補其空籍擢提鎮大員之有世功威望者別頒勅印爲四省統巡其屬仍以副將而下遊擊而上視官之高卑給船之多寡使分領之不隸四省管制之內西界越南夷洋北抵威京無論內外諸洋咸責巡哨而江南以西迄於欽廉尤不時梭織游歷每出以二十船爲一隊御尾

聯行風訊既齊檣帆尺度又相等卽相去遠近不一
究可互爲聲援遇英夷兵船輪船審定旗幟不遽然
破轟擊但隨所向緊蹙其後設彼礙先發我亦應之
彼船幫單寡我合隊環攻無不得志俟其颺窻內港
而後從外擊入本地防兵亦聞聲自內迎出首尾勢
難兼顧出路既已斷絕自可令片帆不留蓋大要全
以尾追爲牽制而不專事乎交鋒始則出彼終歲馳突海
如其來繼且步步牽纏層層掣肘以彼終歲馳突海
面耳目間曾不見一外洋接仗之船一旦棋佈星羅
舟師絡繹必將遲回却顧到處風聲鶴唳草木皆兵
夷性多疑雖遠望商船檣帆亦將繞洋紆避其氣以
周章而自奪其志以艱難而漸懈其力以衆寡不敵
畏縮而頓衰而我方四集艤艖沿途相待兵分而巡
防覺密時暇而勢力轉紓又況猝至紛來縱有不肖
兵丁亦將徵規不及則奸民接濟不戢自消人知去
火在於抽薪不知添薪在於止沸事幾所在莫要於

此亦莫大於此效似緩而實急功似難而實易欲使
永絕根株不得不痛施懲創欲使實受懲創不得不
重費銀錢永逸必始於一勞分防不如其合剿務令
化外頑蠢之輩曉然知此時天威震疊邁絕餘
常未有不悔從前輕侮之愆轉而作格外涵容之請
聲靈四訖並杜效尤中外大防維持無極所謂一舉
而數善備焉者也審幾貴斷今正其時謹備芻蕘條
陳以備採擇謹按製船之法必先預籌欸項擇產
木最盛處所招募善工設官監造開嘉慶年間福建
剿辦蔡逆亦於額設營船外別創堅大適用戰艦提
督壯烈伯李公親臨監製故洋面安駛綏枕便捷當
時督帶出洋與蔡逆抗衡雖亡命亦勢有不能黑水
洋之役剿辦幾淨盡久著明效聞舊時得力匠頭多
有存者潮州李爵鎮少習海務匠作皆乃父舊人潮
郡密邇閩汀又爲產木之地予今歲七八月間在潮
屢與商及似宜就潮設廠責成爵鎮協以曉暢文員

當有成算可杜浮靡或招徠賈客使集越南洋木不
半載卽可運至齊備就近省河別設官廠檄閩省送
至壯烈舊匠選熟習船工隨其指使但受其成法而
不予以出納之權則並無弊可言卽不然剗切諭運
府二廠委員使知此次剗辦與從前例修夷氛已靖
者大有區別亦未嘗不可得收實效也

復修武備沿海議造戰艦

詔派仕成監之仕成因延佛蘭西人雷士壬造洋礮
水雷以進粵人怨英夷甚見仕成家或飲諸夷不能
辨何國也則開於其門從容解譬而後已廣州府劉
潯出嘗杖雙門市民之未避前驅者行道訛言驟起

以謂府署藏納英夷萬喙如潮假虐責良善爲繇遽
相聚而火其署擲物火中雖貴玩絲毫不取與夷館
受燬時相似潯越後垣走匿藩署藩使傅繩勛素得
民心出署婉語以夷例不許入城府署夷何所來搜
而弗見宜各還曉之再始歡呼而散福州開市通商
夷貨舟至相挈入省會與官吏通謁講鈞禮據烏石
山之積翠寺爲廳舍設牙旗鼓角民甚驚擾常以深
夜騶從入城官無如何其居上海者恃海道吳某幼

出夷館易而狎之見輒呼其行次拜會不分旦夕輿
夫用中國帽而雜用五色爲纓緯以表異出入城門
士民無敢以爲言者彼意以旣和好且與平行則不
問城內外皆可聽其遊處如土著矣不知職貢諸國
非驗貢不得入英雖列冠帶而貢無常期兩次貢舟
皆由天津更無故事可援也惟廣東民習見遲遲越
南必隨貢物乃入筵宴易冠服而出英夷無之以爲
中外大防正繫於此凡夷有三五爲羣思進太平門

西門者

兩城門去東館近內城四門尚隔外城非東可至

守者輒斥之退民

或遇見輒頃刻聚千百人鼓噪其後必使其急遁返而後散太平門內外市舍櫛比城闔內日有設鋪售零物者守兵三四但駐所近平時門實無容足地也夷偶闚往來人偶少遽闖進焉接門內爲狀元坊順德南宋狀元張鎮孫故里過坊不數武市民遇之大開夷舉所持鞭竿辟人於是萬手齊動幾斃竿下領事雖訴諸官衆怒難犯其可誰何也舊制夷人以久

住夷館恐生疾病故道光十五年總督盧坤奏定許
夷商於每月三旬八日得往附近之花地海幢寺散
遊一次行則導以通事分輩出次不得過十人及申
卽令返有在外住歇飲酒及出不以期或逾所限人
數或別赴村落墟市者並治及行商自欵成商裁後
夷衆益無約束往往挾鳥鎗或袖小鎗駛其小三板
或雇珠江小艇遠及四鄉遊泊遇村集樹林叢翳處
所恒登岸彈取鳥雀村民婦孺聚觀言語不通疑爲

夏多問言
嘲辱動至角口夷必以鎗擬之民畏之急走避如是者不知其幾矣夷難之作也沿江上下數十村去會城十里近或二三里者咸築閘設柵於其村口自衛夷登岸未之入則村民聽其自爲來去見慣亦不異也二十七年夏月英商駛舟至黃竹歧村村在城西上游去城頗遠有密林在村外夷相率竟入其柵婦女見而譁夷不知避反舉鎗以擊人頃刻間村衆畢集鳴鑼將遞傳鄰近諸村來護夷益暴躁狀兇猛衆

一時憤激殺三夷界屍沉村外巨河下石壓之而掩
其迹其艇亟駛還以事報夷衆領事請耆英緝兇備
抵聲言召香港守兵入火其村語多不遜耆英令其
巡捕弁黃者華會南海令張繼鄒募漁人入淵起獲
夷屍夷衆愈以被戕有據多端迫挾索多兇請交夷
館訊辦時恩彤得罪鐫巡撫職徐廣縉新至慨然謂
殺人償命法也然一命一抵法安可濫不能魚肉吾
民以徇夷欲而塞夷責也乃召其村紳士訊致殺之

由縛三人出請

王命於犯事之地正法夷酋猶慍慍不服照會耆英
以彼國商不能不出遊倘他村亦復如是將何以處
非焚其廬舍不足以息衆怨杜效尤耆英尋以省紳
已自爲公函約諸村毋許妄殺後此永保無事復之
隨令府縣集省紳於大佛寺合擬函詞刻而遍貼以
慰夷心當時紳衆咸集彼此推讓無肯執筆起草者
自己至酉耆耒制府以人來催府縣亦促之至
再予乃起入丈堂率擬一稿言黃竹歧殺夷抵法事
毋庸議此後諸村落遇夷人至村口彼下犯民但止

放鎗捕鳥父老當各約束子弟勿令出與見面聽其
自來自去萬一夷人率衆入柵以捕鳥爲名或至調
戲婦女鎗傷平人者宜卽將夷用繩網縛就近送官
訊辦勿驟加誅殺俾有藉口事後索多人抵命牽及
無辜致官棘手通約諸村一律知照云云紳官咸以
爲當座中一官閱之搖首謂此當非制府本意宜改
云如夷有不法事且勿向拒許該村民立卽赴官喊
訴以憑委員來提赴公署核辦衆紳無語予不得不
前伸其說曰當時夷旣不法卽指調戲婦女鎗傷平
民等事矣一有其事村民勢必鼓噪衆怒驟起夷必
拒護兩相動手彼此轉盼致傷民衆夷少傷每在夷
夷旣受傷村民誰敢挺身赴官受責成者勸其縛夷
送署勢已難從況令其任夷橫肆袖手旁觀止以一
二父老報官聽夷行兇後從容以去此可以告養如
木雞之君子不可以強血氣方剛之村民子弟益夷
自入村啟釁於彼義憤所激衆怒難犯先勸其紳老

約束子弟不與搏力至萬不得已亦不可遽殺此爲黃竹歧事之遽殺受累而起人心尙庶幾可從否則函到徒滋口實而夷以既有公函臨時不肯受縛不至決裂不止轉失勸戒之意更轉失制府息事之本意矣其人亦首肯取稿以去夷酋知紳士持公論亦稍知歛迹不敢再有後言矣英國自稱雄西海都但西河畔築宮

蘭崙城外故宮之在城中者猶相沿未廢他國人至必導以入使遍觀焉以誇壯麗其俗然也夷酋來者每謂明明通商和好宜相信無虞詐尙何中外夷夏之可分故所至視其城如戶闥獨粵城垣門與夷館

相距僅咫尺間轉不得一入時時訟言於耆英恩形
始尙誠求繼兼責備閱時既久無復可以支吾益夷
俗期約至速且屢不自知其瀆微言之又不悟兩人
者日爲所促相與躊躇至再不獲已姑許其一行燕
會而預爲設備將假酬酢禮掩招入之迹以爲一而
不再他日非因延請無緣自至有所商則仍出而就
之權宜之舉不激夷怒亦堪以對我士民顧尙遲疑
未有期日也二十三年六月省紳侍讀銜何有書老

成練達方以創董社學受獎有所聞爰集同志具詞
節院云閭閻聞夷將進城拜晤以此輿論沸騰不知
實有其事曾已約許否請率循舊章免滋衆口者英
亦竊幸其詞適至得有藉以謝夷也但以道路訛傳
初無成議大書揭而慰之呈云竊以故老狃於舊聞
必相驚詫遇創見則起猜嫌民情大抵然也我粵東
民蒙朝廷厚澤深仁休養生息士農工商各執一
業高曾子孫與享太平舉凡踐土食毛無不尊君親
上矣查各國夷人來粵互市夷商向來交易而退各
得其所歷久相安但夷人到省向在城外夷樓聚處
國有典章二百年從無夷人入城之事舊聞習見婦

孺同知邇有道路傳言說有夷長欲進城垣拜會各
大憲未審果否輿論沸騰蓋既有拜會之名必將肩
輿僦仗齒簿前驅民間聞所未聞見所創見震懼人
心驚駭耳目觀者定如堵墻所未可信者各縣聯絡千
有餘鄉團練義民十萬餘衆均已撥歸各社各鄉時
勤操練毆加約束斷不致滋生事端但慮省城五方
聚集良莠不齊誠恐煽匪兇徒猝然干犯夷人或不
相諒是敦和好反至叅商書等愚昧之見欲求循舊
章程定於城外齊整地盤或滙議事宜或燕會交歡
或鋪排筵賞不啻行所無事似屬易便也恭維
欽差大人天演一派贊化調元感德所加夷情悅服
凡經灼紹祠昆幾微書等愚蒙原不干預公事但地
方關係一有所知不敢壅於上聞用是瀝陳下悃冒
瀆尊嚴伏乞俯順輿情查照舊典飭遵辦理則萬民
歌頌同荷生成矣制府批云查中外務在相安據呈
請循舊章以順輿情理極詳明慮尤深遠惟夷人欲

行進城之說不過道路訛傳並無是事諸紳素爲民望所歸可卽傳諭城鄉各士民免生疑慮本部堂向以士民之心爲心凡有關係地婉舉其事之可證驗方夷務事件自應熟籌妥辦也民情者爲夷告而曉曉之來正未已繼請而繼却者屢矣因循又越數年酋駐香港三年例滿當受代返恥在粵之衆終未得請以入見外中國歸無以對居者在來粵夷中則已爲長自謂責有專屬也二十七年二月行將屆駁率其綠衣防兵三百偃息旗鼓從香港潛載越虎門入當時海疆安謐貨舟梭織虎門

大啟守者以爲運貨舟至不復查驗循內河趨經獵
德礮臺旋舟臺側接踵而登出不意挾衆釘塞我礮
眼澆藥水毀我礮樞守臺兵倉卒裝械不及遂聽其
所爲迨把總梁定海擊以礮夷兵已一閤還舟解纜
順流西上甫至夷館不入卽斷安瀾橋上下爲駐足
地逐市人空其鋪舍而踞之耆英出詰以私入故則
請廢館後通海之新豆欄道收拓館地旣許而立堵
之矣又請租河南地以建夷樓則當日初與琦善講

和條款所嘗及者其後香港尙奉

諭停給所議已虛迨定和約准英國在通商埠地出
賃自與民間租賃建樓立棧但仍由中國地方官會
同領事體察民情擇定地基聽與內民公議租值內
民不得抬價措勒違人不得強租欺占以期兩情允
協蓋願租則民自得利不願則夷當別圖強卽起爭
必然之理也珠海南岸舊稱河南正對省城生齒日
繁不獨鋪店民居寸金寸土卽田塘棧舍亦與荒郊

僻岸者價值迥殊其人比屋而居非耕卽農非商卽
賈自食其力自謀其生各賴咫尺之地爲仰事俯育
計又其迤西壤地沿水橫出與今夷樓隔水相望一
旦租爲夷有恐他日夾岸臨海築臺置礮勢成交牙
有事則來往帆檣西道頓形窒碍於民固有不便而
借以截阻黃埔各國商舟設起貨入省仍勒其於此
查驗復萌初得香港故智更有不便於諸國其南則
地隨河折由折處直下卽爲西南入省河之鳳凰岡

東墾鷄鴨涪一帶倘從洲嘴折處別築一臺卽有以
握我西南鄉縣入省咽喉龜岡礮臺雖設而無所用
河南四十八鄉紳老有識解事者早慮及此且夷之
伎倆久在百姓意中彼就款於江南之大飽慾壑與
在粵之佯還商欠皆事出已甚非百姓夢寐能忘之
事今因有此約令其舉祖宗百年世業流離播遷靡
所定止而拱手讓之所得幾何設令誘以租資重利
亦將糞土視之萬無如意理而夷酋未識其情勢所

在誤聽夷館賤役及洋商工伴子弟之所慫恿遂一意卜居謂耆英爲經手立約之大臣總制其地我責官而官責民挾約而行當無不獲不復計及體察民情之爲何語更未能思及地未許租則所指爲抬價捐勒之詞悉屬無根隙莫可乘也況歲租每視夷旺淡西洋人之在澳衰敗之後租竟何如徒予耆英以所難貿貿強求逼人過甚於是耆英不得已勉派府縣官頻傳業主令議價值未到而噤首竟以二十四

年四月初二三四日身履河南洲頭自爲丈量插旗
誌界民見事在必行越日集衆雙州書院言出而髮
指者數千人其老成者謂與其生端事後不如陳說
事前乃以情理利害四端詳縷其詞投以公函斥其
背約圖占之非書云竊以謀事必體乎人情作事當
循乎天理而事之成敗尤須計及乎
利害之重輕我粵東與貴國通商百有餘年彼此有
相資之益中外無詐虞之嫌而貴國商民亦素以信
義相交卽千百萬之貨財一言爲定一諾不移從無
失約背議之事此中國商民所以樂與交兵以來貨物
所以能相安也迨至二十一年構怨交兵以來貨物
多不能流通商賈亦日見倒敗在粵商固多失業而

貴國之貨亦未爲得利且當擾亂之餘土匪借端尋
覓小人乘機焚掠遠商皆受其累此前車可鑒各國
所同知共見者也自宜各蠲宿恨堅守和約以圖補
救共享太平乃近聞貴國欲勒租河南地方建造屋
宇我紳耆始以爲此事必須兩相情願貴國素重信
義斷不肯強占逼租今見我府縣官頻傳業主勒令
議價且德公使差人竟於初二初三初四等日到河
南洲頭嘴地方丈量插旗誌界於是各鄉士民大爲
駭異初四日會衆集議於雙洲書院謂與其相爭滋
鬧責我啟禍生端於事後何如先爲陳說辨此是非
曲直於事前茲特將情理之可否利害之得失細爲
陳之夫河南習俗非十三行可比也而河南地勢又
非上海各港可同也蓋十三行與外國人居住有年
久相熟習倘令河南創建洋樓必致驚奇猜忌彼此
斷不相安矣上海係新開港口向無遠商貿易樓止
之所且海濱荒地無碍民居故擇地租住其理尙順

若粵東近則有洋行遠則有香港居住則有新建之
公司大樓貯貨則有現租之洋商棧房又何必貪多
務得費此無益之巨貨乎況河南地方寸金寸土皆
民血產該處田塘棧房鋪戶居民或藉此耕作以贍
家或居此貿易以謀利甚或孤兒寡婦賴微息以存
生或大族微宗設嘗產以延祀既不能聚族他徙又
不能舍業別圖一旦強逼奪之以致流離失所謀生
無地情何以堪貴國人素以醫人濟世爲心何忍出
此此衆情之不能強其所難者一也抑吾聞之無信
不立違約不祥查前次我官示諭萬年和約條款內
載各國商民准其租地自行建樓立棧仍由中國地
方官會同領事官體察民情擇定地基聽各國與內
民公平議定租息內民不得抬價捐勒違人不得強
租硬占務須兩情允協等語今河南之地若云體察
民情則衆口一詞不願出租矣若云公平議租則既
未經願租開價又何抬價捐勒之有至於倚我大憲

之勢欺我小民之愚挾制逼勒必欲租得而後已又不待業主允議遽行差人丈量此非強租硬占而何所謂萬年和約者曾不及數年卽思翻約背議試問當時書此約者何用立此約者何心我等士民偶立券契字據尙能久要不忘豈自稱英國堂堂之公使大臣而肯背此兩國永守之和約乎此義理之不容失信者一也且貴國商人數萬里航海至粵無非爲謀利而來耳貴國之所以獲利於粵東者利其民之相與交易也今欲與交易而先拂民之意人心不服於利何有凡人安居方能樂業守信始可通財今若不守信約恃強挾勢奪人之產占人之田固將爲粵商所疑慮而不敢重托貨財亦將爲各國所恥笑而不肯相與共事況夫奪則必爭爭則必鬪爭鬪之際商賈避亂而不前貨物停市而不售試觀近來生意冷淡已可概見是欲奪人之利以爲己利終致小利未見而大利先失此智者所不利爲也抑且不獨失利

已也其害更有不勝言者夫衆怒難犯專欲難成今
河南共四十八鄉烟戶不下數萬家其間賢愚不齊
強弱不一心旣不甘於棄地志卽可激以成城若使
強奪得地建造行棧則英商挈眷必於此往來貨物
貴賤皆於此屯積竊恐出入而致磚石之相攻貯貨
而致焚燬之肆害其能時時爲之防禦處處爲之設
備乎是跬步之間皆爲荆棘鄰右之近盡成讐仇將
以萬千之資建此地而不足卽以百十之人毀此地
而有餘貴國亦何樂得此叢怨之府生此爲厲之階
乎此禍福之機甚明利害所關甚鉅不待智者而知
也惟熟思而籌度之我等紳耆生長河南目覩民情
有洵洵之勢恐致激變故不得已會集衆人將情理
利害四端先行詳晰陳明尙祈轉達貴公使體察此
情永守和約免致兩敗俱傷而謂吾言之不先耳並
將此情節投訴於各國領事官及富商大賈請各國
正人君子評其是非分其曲直免謂我天朝土

民不知禮義卽將來鬧事生端有所累及亦可知爰
由誰啟咎將誰歸也倘不曲諒愚衷不採納正言仍
然恃強硬占竊恐怨積日衆禍貽日深其身與家相
依爲命者能不捨死相爭乎蓋前次構兵未之及民
故民情未憤若此次貽害係與民爲仇故民動公忿
而心甚齊此非我紳耆所能排解亦非我大憲所能
壓服也領事方遲疑未肯收書而河南人已刻印四佈
首知衆議鼎沸非恃耆英可以威脅再往必滋意外
也爰暫止河南之議更索租花地口之石圍塘其流
弊一如河南洲頭且縉紳世業何可利動已廢然而
返是皆已事至是逕以兵挾覆述前意劫以必從耆

英曉之謂倘緩其期將來或分任租值尚有可商愈
迫則租愈不貲亦非爾利急之且必激變正言以却
顧英酋之來本以求約入城爲重實非有餘力租地
不過假作引端而已故終之以定入城期請謂地從
民出議租權旣在民城爲官守議入權則在官非若
租地之聽民自愿者比矣今西洋諸國咸謂我難入
此城勢成騎虎不得其期則駐兵留此不復出蓋夷
兵之來已數日人言藉藉不調集兵力驅之使去則

民心時刻可動動則首與其兵皆粉齏壞約啟衅悉
緣諸此而酋又崛強不可以口舌爭於是慨然與訂
二年後予入城之約謂二年中以官調紳以紳調民
至期庶幾可掃徑相待矣夷酋與訂約而後從容挈
其兵還香港事定耆英杖定海而遷其官酋旣歸國
則以入城期定告其王凡鄰邦之商於其國及其印
度亞墨利加所屬之地盡以是鋪張其詞招其屈期
至粵觀禮他國商之在粵者雖曉然於民志之不可

身多問言
奪而明明有大臣期約在習聞耆英爲

太祖皇帝天潢支屬協贊綸扉持節出辦夷務體統
冠諸大吏必有以動

上聽者粵民縱強悍而惟縉紳言是從倘

上許彼入城紳士自不敢異議百姓惟有隱忍究何
能爲以是信入城之舉之非虛語方將相約隨英夷
後觀其所爲且自以同一准市之國

中朝斷不忍厚彼薄此將俟英夷旣入然後援以爲

請凡此皆諸夷意中所有亦事理之所必至也無如
耆英先期以在粵久奏請述職得

俞旨命以二十九年春暖來京擇正月行矣瀕行請

以廣縉佩大臣關防權督兩粵而布政使葉名琛權

巡撫

未幾兩公卽真
耆相遂留差樞庭

是年兩載期屆二月夷酋以

文來請踐入城約始猶出以正言繼且煩絮操切堅

執前議勢不可止廣縉念中外大防在此一舉此而

不力爲阻遏他日將時以燕會至固無辭可拒是又

與福州上海等而密察民志城鄉萬衆無慮婦孺鮮有以聽吏之入爲當者縉紳卽或面從亦必退有後言且夷假禮以來安知其不包藏禍心逞其平日詭譎之見或事後求地爲行署甚或臨時索所經官舍留其徒居之不惟立生口舌抑且驟起兵戎就使聚兵設防萬不至有當時之失而大衅卽從此開況耆英親自許之乃先時而去責其難於後人艱鉅之任惟志定足以肩之耳於是不俟徘徊已默定拒夷之

志及商於名琛更謂官民合心方稱同志無怫百姓
以順夷理且民情若是其堅且衆夷一動則民頃刻
生變勢難終日官轉無立身之地惟有拒諸城外縱
有他故亦官與城爲終始其事實有把握已先單銜
具摺密陳情形矣今我兩人和衷一志順民心以行
之復何疑之有商既定廣緒乃先備內防自省河以
東諸礮臺選擇將弁誨以方畧俾俟夷闖入沿途迎
擊分繪要隘臺墩圖紙核其所有礮洞計一礮裝藥

施放洗刷移運應需兵士若干人使臨時各事其事
是爲首班別預備策應者各如其數爲次班又別備
補再策應者於後人數亦同爲三班填寫首班策應
及補策應各兵士姓名於臺圖所宜站立處令其各
守位次寸步不移首班勝則已如一人傷於賊礮則
策應者亟趨前而補其缺傷者散兵扶以下而所備
再策應者又亟趨前補策應之缺首班戰久而懈或
猝遇暴病則領兵之弁以所備之策應遞補直至三

班皆受傷盡然後聽其敗潰不復責戰所選儲礮位
亦按臺洞各備三礮放多礮熱卽令輪換先以圖使
將弁選精壯軍士詳爲指示令知此次戰守繫一省
官民成敗所關最重不特不能如往日見夷自潰積
習但於派定立處稍離分寸及臨陣告退卽自代有
人亦按軍法並令一月前點定班兵開誠告以人之
勇怯原出天性非可強抑自揣或至臨時瑟縮未能
自信或家有老親或尙無子息內顧不能無所繫戀

者仍准其預期請假事後許再充伍不罪俟其慨肯
以身殉國對天矢誓情形踴躍又察其平素體健技
精無他隱疾者諄諭以一經應命當自視其身已死
歷詢不悔始取其切實甘結書名畫押保以親屬而
後分班帶入節署親許以功成優拔死者官養其家
於是憑將選弁憑弁選兵而驗於將兵將人人自請
効命萬伍一心次第籌積軍資衣甲皆製備外郡封
解軍局絡繹內運而省城民戶毫未知覺密飭中軍

副將召近城社學紳士假捕盜名令各歸勵械聚勇

候撥分社延見使各不相知亦屬其各不相謀也

社學

原議有事官爲調用給以口糧無布置既畢乃揭牌

事各歸耕農勇出自民隨時可備

於轅以某日出閱虎門舟師時夷酋叻嘯已代噶來

駐香港數月矣聞廣縉巡歷海口思乘其出劫之於

舟俾險浪驚心倉卒間必踐夙諾較以文爭易而不

慮再有遷延也則請臨其舟廣縉慨然許之夷舟方

旋內洋隨行官吏咸謂風濤固不測且身入虎羣履

其唾人之尾設有變將奈何廣緒曰若輩慮彼敢遮
留我乎留我不有水師提督在乎因語提督洪名香
若我留彼船不還可悉舟師攻之我自有處勿以我
故遲疑投鼠忌器也言已欣然掉扁舟越重礁險澳
乘如屋浪起跨登夷舶梯二十餘級至其舶樓從容
顧盼旁若無人從官不得已羣隨以上風舟搖盪相
顧皆股慄無人色吹噓握手延入艙後免冠爲禮遽
杜其門隔從官於門外厚設機一却卽閉堅牢如壁

不可復啟廣緒談笑自若咳嗽袖出所陳事數款率
貨稅之瑣屑者求面爲許允廣緒隨問隨舉其不中
理者手指口駁索筆而剛之咳嗽下氣低聲固固乞
請廣緒固却之色頗莊厲侃諤開導至良久聲琅琅
徹船外從官聞未悉所繇欲入不可僅逡巡以俟最
後忽更端起言中國許我入城兩年前約以今日今
我國諸凡備具專候示我期日請必定期而後返廣
緒曰耆相之許爾在我來粵之先我來未奉

詔諭何能妄予爾期且百姓之不肯聽爾入原執干
百年舊章爾在此當有所聞億萬同心我更何能自
主是當以夷情民情兩相歧異之故入告

大皇帝請

旨我爲疆吏必有所遵奉而行今爲汝由驛馳奏則
可私予爾期則不可有

旨卽有期不得

旨期將誰出爾宜少安毋躁也咳嗽問批摺還當在

何日遂舉由粵達都往返常程約畧告之叻翰以爲
緩願自備火輪舟出粵洋抵津代遞廣緒晒曰奏摺
拜登

本朝自有定制沿途所過關津驛站各定時刻皆有
專官處分綦重安敢違制以進呈請

旨重件輕付外國懼譴責且汝舟近日亦安能逕至
天津乎爾居粵地一切當遵

天朝法度勿率性生事可也叻翰語塞卽送出仍下

小舟騎浪還虎門越日來報謁予之食食次囁嚅間
再欲有言但諭以靜候

旨意語不及其他旋省直陳其事夷酋自意事有成
約耆英方在朝當陳明在粵訂約緣由計無不得請
卽未遽允亦必命督撫酌量現在情事以定可否我
請已堅微露強入之意

大皇帝縱不欲逆民志亦重慮失信遠人有

旨令粵官自定官又何詞可以却我故自陳請後不

復喋喋但自爲數日計程盼摺迴如望歲稍逾往返
期程三二日卽令其副兵日贊臣者輕舟私入夷
館探聽消息及奉到

綸言大意以爲民心卽天心在彼重譯來斯更不宜
與民頡頏念萬里貿遷不易官吏當隨時爲其保護
貨物紬繹

聖謨蓋有萬民一體四家一家之意非臣下所能窺
測更非外夷所能議擬者矣

言
旨旣宣布夷始知

上意其國商人一時敗興有轉咎咤喻不如噫之一
請卽許者有追咎噫當時從兩年約不能隨許隨入
致爐竈另起者而他國商因亦從旁以爲笑柄微詞
諷激之於是夷酋文再至責中國信義之邦不合反
覆若是更爲危言相挾意殊悻悻廣緒至是正言答
之曰曩者江南議和後中國重信義凡夷船之經我
口岸者聽其出入不復詰查阻禁蓋設誠相與也耆

相親主和議初不料爾國前兵目之潛載卒械掩我不備毀礮樞而塞礮眼也其時兵不及調礮不及易爾兵深入據橋阻過行路民情驚駭瞬息便釀禍端乖和局故酌量緩急輕重不得不權宜約以年分許以入城使爾兵目如願而出以保和好於未艾是信義之失爾國先之而反以責人乎者英之奏請

陛見實逆知民心之不服舉國胥無異詞不能爲左右袒也夷得報已辭窮則又強詞以辨謂事必自度

可行而後許許則必踐方成丈夫當我兵入時爲數
無多何難一戰戰不敢而後許我許而復背中國他
日何以示信於人我今日又何顏以對他國不得不
率我兵商一擁而至且聞省中方團練壯勇皆董於
官旣慮抗官匪徒出而拒我何不卽分所練勇拒亂
民而衛我入耶又答以民情所在旣屢舉相告今民
自團練實維汝故而猶嘵嘵不已反欲爲疆吏者率
民拒民背理逆勢愈言愈遠此後不必更勞唇舌請

卽挈爾兵入我爲粵大吏當四開城闥以待爾其試
之郵牘凡數返輟轉辨論端且百出當是時自上冬
迄三月會城粵秀書院監院刻印公柬延集越華羊
城二院同事暨城中在籍紳士許祥光等及內外城
以遞河南居民鋪店按其街約予以規程會城書院
粵秀最先
越華次之羊城又次之先是柏公爲觀察令三院監
院勸民自爲守衛彼此觀望未之動也迨事急雙門
底鋪民羣至粵秀謂閩省人士所萃責以倡首會院
長南海何員外文綺養疴里門予方爲正監不可辭
乃印備柬啟數萬會同監院順德羅教授家政南海
譚訓導瑩靈山仇訓導乾厚順德張學正應秋番禺

丁教諭熙先期使院役分投街約送以章程偕番禺
候選道許祥光候補同知禮光候選郎中金菁茅候
選同知沈光國香山候選員外鮑俊親詣請約一時
響應分期以勇數來粵秀報予約兩首令以夜校閱
備其心燭中間羅下鄉未旬返仇丁並以送試去沈
亦及半以事未至偶會閱粵秀令役分延諸紳役以
夜不及遍請是夕惟予在徐制府偵知之令易太守
召諸紳謂不能實力則事敗予遂以羅查南海神廟
工不過一日即還張譚皆世居西關其地人衆非土
著紳士不可勸故分段去非有他也丁居城西比其
地多幕客長隨所寓已約其送試速還彼處出勇宜
在後必無貽誤太守以予言覆乃已九人者皆不辭
勞瘁故民情踴躍南海候選郎中伍崇曜則以熟悉
夷情事藉探報當時從制府出虎門事定許伍得
升銜先選仇沈外獎有差
勸家自出丁設械爲拒

夷入城之備預期分詣諸街約剴切與商一時雷動
雲合自老城而及新城新城而及四郊河南人亦創
隆平社學同時響應地大者至數千人少亦數百按
日分期自具所練丁勇名數東報粵秀隨以其夜延
官紳同集其公所壯目帶令籠燈執械分隊以過越
日官出炙豬水酒獎之自城內而城外遂及河南以
次校閱旬日間得十萬人有奇
內城 雙門底上街
陳廷森 蘇蔭清同督
帶四百四十人
下街劉聯芬 蘇滄同督 四百三十
六人 惠愛街四約沈維鏞督百十七人 惠愛五

約何定海何榮芳同督六百七十人	六約	泰督
百六十人	西七約黎承思葉文卿同督四百十人	
首七約吳廷輝督百六十人	東七約鄧龍光督	
百人	西七約冠世隆督九十三人	八約陳彬英
李秀藩同督五百三十人	九約易杰督百八十五	
人	東九約譚聘珍督二百人	十約張俊督百又
五人	育賢坊西首約羅家驥督九十五人	東四
約歐陽威督九十五人	二西約湛慶督九十五人	
賢思街甘國權督八十八人	何佩仁督百六十二	
人	大佛寺前東西約黃芳華督二百十人	龍藏
街單亦曉督三百四十人	馬鞍街月泉南首二三	
約吳樹楨黃錦濟同督五百四十五人	北約江兼	
三督百八十人	九曜坊彭昆明督百七十人	西
湖街何瑛督二百九十二人	早亨坊楊光耀督四	
百三十五人	早亨坊東李猷督百三十人	孚通
街劉錫芳督二百六十人	四牌樓六約唐聖功陳	

街張國權潘國正同督四百二十二人	人承恩里蕭月恒督百二十人	黃舟安督百一十人	五十人	政街南約廿國寬督百三十人	督二南約廿六人	南約歐陽驗督百八十五人	督二善慶坊陳煥章督百有三人	人約鄭廷銓督百人	街丁燾督二百三十人	十人	陳沅英督二百四十人	十三人	人魁巷簡憲督九十三人	國忠何廷標李耀祖李望爵黎安邦同督千六百七十
東橫街東	新城內南門直	兵馬司街邵朝安督百三十	兵馬司街	比約林長清督百	南約廖永壩督八十五人	長塘街北約何啟中	黃黎巷何金榮	狀元橋方振宗督二百六十四	東約曾恕修督百人	清督二百八十五人	二牌樓曾湛恩督二百二	何樹督二百三十二人	惠福巷鄭世榮督七	

中約李春蕃兼同督四百八十人 西橫街上下
約麥逢秋梁英督三百六十人 仰忠街李朝華督
百二十二 東約陳國鴻督三百人 南約李文
聚督百二十人 高第街中東西四約陳習龍雷鎮
王胡敬之陳肇芳梁贊功胡廣琦吳國銳梁應時同
督千九百八十四人 小市街衆約張逢熙鄧正華
胡殿清督八百五十六人 正市街陳廷桂督三百
六十人 一德社劉鴻陞督三百十五人 五仙門
內西約楊裕景李榮邦同督五百十人 東約周士
超督百八十人 大新街十八約朱德均鍾俊鄧秀
揚翁子珩翁珣李紫堂李如琰同督千七百八十六
人 元錫巷呂泰來督四百二十人 玉子巷何應
堂郭榮光陳松威同督六百二十人 白米巷梁國
恩翁玲同督五百有七人 華德里黃紹光孟智
祥羅玉亭戚廷桂馮揚廷同督千五百八十二人
小新街彭朗川謝進高朱福康李式光翁遇安同督

千三百五十人	榮陳元惇威沛霖楊廷璣同督千六百	戴英元馮經謝述衡同督八百二十六人	黃仕元督百六十人	百三十人	人	暢里劉汝順督二百八十人	百五十人	前街楊垣督二百九十二人	十人	里胡開業督二百八十五人	十人	文藻陳作樞同督五百三十人	鴻源同督五百人	督九十八人	勝街香宜吉督三百九十二人
濠畔街衆約何瑞忠梁汝文李錫	賣麻街	聚賢坊	木排頭梁有容陳宗植督四	三府前謝綽然胡剛常同督五百二十	水母鰲陳明澤李冠榮同督五百八十人	太平街伍汝敦督四百三十人	聚賢坊馮楨督百六	敦睦里談振盈督四	青雲直街譚朝恩督二百三十四人	狀元坊馮	眼鏡街林顯瑛督二百八十人	清水濠張普霖廖	城外東門外正東首約鄭文藻	東賢里白崇韜督二百八十五人	越秀馬草步行街李

東屏督百七十人	長庚里蘇福祥督三百四十人
榮華坊洪國俊督三百五十人	元運街李能善
督百八十人	豬欄黃幹才督三百五十人
街黎榮芳督三百四十人	海旁街陳銘勳督二百
十人	小東門外永安首四約陳國楨雷顯廷同督
四百二十人	永安橫直街梁敬寬梁鴻基同督四
百六十八人	三角市黃敬之督三百二十人
龍坊霍廷高督三百八十人	元運街中約吳逢登
督百八十人	築溪衆約梁榮景何燦信同督六百
五十人	湛溪衆約梁殿光督二百五十人
約邱鳳麟督百五十人	珠光里何應棠郭泰光陳
斯威同督七百五十人	珠光里半約崔榮督二百
人	三鞏門何啟泰督二百五十人
陳仲瓊潘大彪岑煤堂黃俊輝袁朝元李時澤李仕	龍王廟八約
川黃銓朝鄭瑞呂震淳張饒勳同督千六百八十八	
人	前鑑街劉紹昌督四百七十六人
	海旁中約

何學亭督二百人	海旁東街胡結清督百三十人	永清街蔡
西約	督百二十人	永清街蔡
邦常督二百六十人	東石新街戴恩督百六十七	人
豆腐巷增沙太平沙鄭大勳黃庭椿李裕才霍		
仁威孫世祥同督千二百九十四人	倉前街彭	
如督二百人	中約奈雲階督二百二十五人	南
約趙宗方督二百人	西約招煥輝督百七十一人	秦
壽康街東南約翁仁垣梁泰同督二百九十九人		
康里伍榮茂督二百三十人	石基里馮讓督二百	
五十六人	東西約洪正魁督二百五十六人	永
祥坊衛浩駢督三百十人	西門外石岡街梁炳華	
督二百六十七人	源勝坊馬應元督二百人	第
四甫彭文雄胡景修同督四百九十九人	第五甫南	
北中約曾國良楊應春同督五百五十人	第六甫	
梁遠超督二百四十五人	第七甫甘汝良督三百	
七十二人	第九甫尤懷謙督三百八十八人	上九

甫繡衣坊廖彪李天驥同督五百八十人	下九甫
歐陽楨梁國泰同督四百七十八人	第十甫馮清
楊伍花驄梁國璿沈成安崔鉉光馮陞同督千四百	
八十人	十一甫楊作權龔仲良同督千百有二人
十二甫東中約左康祺朱任良鍾立誠同督八百	
十人	西約陳鶴清督二百十人
潘凝暉同督五百有五人	小半甫馮慶良督百一
十人	十七甫陳毓桂謝際安黎建威同督七百五
十四人	叢桂叢秀坊南二約馮家樹督二百三十
人	叢桂太和里潘應颺督百二十人
黃則昌督百一十人	湛露巷李崇基督百二十人
西陰里鄧廷安督百一十人	叢桂元和新街梁
岳光督百二十人	和睦里蔡德輝督百一十人
淨溪約李文所督百一十人	叢桂新街徐澤霖督
百三十人	南約關暢時督百八十人
廖廣督百五十人	叢桂黃沙郭觀光李錦華同督

五百有三人	桂恩寧西約蔡伯彤督百五十人	超督百二十人	東約梁傳基督百二十人	俊督四百三十五人	清禧盧俊華吳啟何成業歐陽緒同督二百九十五人	壽朝聖門街蔡天衢黃東揚同督二千二百九十三人	壽前九街李光鵬等同督二千二百九十三人	壽里黃兆蓉劉康泰同督五百九十九人	會蔣督二百人	耿光陳榮同督千四百五十人	純輝勞慎榮胡錢梁國華同督千二百人	嚴藉芳督二百六十人	顏何恩普馮驥同督千四百七十人	修督二百六十人	安里陳光釗督百四十人
叢桂柳波顏金釗督百五十人	蓬蔡新街簡熊飛督百三十人	太平門外天平街區昌	清平衆約胡毓輝何秀林張	歐陽緒同督二百九十五人	同督二千二百九十三人	同督二千二百九十三人	同督二千二百九十三人	同督二千二百九十三人	同督二千二百九十三人	同督千二百人	同督千二百人	同督千二百人	同督千二百人	同督百二十人	同督百二十人
叢	橋東西約黃文									梁欄街潘有培陳	聯興街衆約李俊峯蒲希	寧遠坊關敬	福星里黃子權督二百	福星里黃子權督二百	

廣	七	約	街	九	百	千	百	街	十	百	十	浩	十	成	人	昌
準	十	蒲	郭	十	一	一	一	賴	人	七	人	光	人	長	人	督
五	人	良	應	人	百	百	十	貴	十	十	十	督	督	督	潮	二
		粥	元		七	十	人	清	油	十	十	百	安	督	興	百
		余	督		十三	萬	萬	督	欄	十	十	五	瀾	三	街	五
		德	二		人	鍾	鍾	九	門	十	十	十	街	百	潘	十
		芳	百		人	四	四	十五	外	十	十	十	王	七	廷	人
		何	三		人	約	約	人	七	十	十	王	敬	十	紳	
		耀	十		人	林	林	約	約	十	十	敬	督	人	督	吉
		南	人		人	祺	祺	人	約	十	十	迎	三	潮	百	星
		同			人	何	何	同	馮	十	十	祥	百	音	五	里
		督			人	瑤	瑤	文	濟	十	十	東	百	街	十	黃
		八			人	黃	黃	李	美	十	十	西	九	劉	人	炳
		百			人	承	承	福	李	十	十	約	十	天	光	光
		八			人	恩	恩	恩	福	十	十	何	十	球	督	督
		十			人	伍	伍	等	恩	十	十	呂	十	督	二	二
		人			人	觀	觀	同	等	十	十	東	十	花	百	百
		督			人	光	光	督	同	十	十	督	十	直	五	五
		三			人	同	同	千	同	十	十	二	百	街	十	十
		百			人	督	督	八	督	十	十	百	百	李	太	太
		同			人	安	安	梁	安	十	十	八	八	十	人	人
		安			人	街	街	梁	街	十	十	李	李	十	人	人
		五			人	白	白	五	白	十	十	五	五	十	人	人
		五			人	糖	糖	五	糖	十	十	八	八	十	人	人

林 賢梓里 鄭容光 督百六十人 靖海門外東首約	林 鴻泰督 二百人 吉昌街黃河瑞督二百八十五	人 五仙門外會仙街霍鷹標督三百二十人 龍	慶 街羅織昌督二百七十一人 河南龍溪七約潘正	理 王尙之陳錫麟程國泰梁今榮同督九百八十二	人 白鶴洲救珠東市張日宣張國經同督六百五	十 八人 廿四鄉梁作舟梁捷冠黎樑材植振德胡	樹 棠區鑑清胡和德梁金謝俊勲李明上同督九千	七 百人 洗涌西約崔福賢督三百二十人 東約歐光大	十 人 洗涌西約崔福賢督三百二十人 東約歐光大	林 應春同督四百四十人 龍尾導街梁威連督百	三 十人 東西南約劉廷鉞督二百二十人 溪峽	東 約張成貴督百三十人 南約李宗泰督百八十	人 西約楊達榮督百八十人 官渡頭梁名世張	業 隆同督五百五十七人 鰲洲東約劉奕榮督二
-------------------------------------	---------------------------------	----------------------------	------------------------------	--------------------------	-------------------------	-----------------------------	--------------------------	-----------------------------------	----------------------------------	-----------------------------	--------------------------------	-----------------------------	----------------------------	-----------------------------

百十人 西約何潤隆督三百人 鰲洲外街何汝
成督二百七十人 永興社馮漢儀督三百八十人
麟社福仁里霍衍祥陳士清同督四百八十七人 福
麟社梁章覺督百一十人 崇聖里東約鄧信中督
二百四十人 西約孫遇庭督二百四十八人 聚龍
社杜瓊亮督二百三十人 草芳村鄧懷玉督三百
有六人 蚤村鄉林聯芳督二百二十人 太平坊
何潮清督二百六十八人 百睦坊梁萬威督百人
雲桂鄉謝再祚督二百七十人 南岸東約麥穗
芳胡龍安督三百四十人 寶岡鄉李鴻發區朝俊
同督五百九十八人 福場里洗兆鏞督二百五十
人 福場外街徐應科督百一十人 廠前街羅錫
彬督百一十人 事役皆給以頂戴其正頭行衆向與
夷售呢羽者洋商未撤夷呢羽至則按其行之有力
無力而分其受貨之股交厚者夷則多其股以私之
而買茶歸亦即按其受呢羽股分故商皆媚夷以求

多分其股夷亦以此挾商由來已久洋商裁後所至
呢羽皆歸鋪店無高下其手之病於是股戶多作呢
羽生理棉花亦爲洋貨入口之最大者銷行廣則貨
亦厚兩行方據夷利自入城議起兩行自行聯約停
止不入夷館買貨數月以來夷貨滯銷以責羽毡仔
毡者民夷交易通夷言之經紀兩行招之於店使入
議貨值者也當時羽毡語夷商謂入城與否官主之
非貿易家所宜干與惟慮城內外山勇旬日至十萬
勢必釀成事故則貨不能轉售資本將無所歸非以
停買相爲挾制也正頭行之胡光鉅林槐材棉花行
之梁維翰朱正祥亦集當勇之夜出也四城燈燭照
丁隨衆勇以出同受獎
耀殆同白日鎗礮聲聞十里首尾凡十旬城西之密
邇夷館者登層臺四望瞭在眉睫其稍遠者若新城

以內若河南南入村落平視阻隔之處夷設巨鏡高
擎而倒影之火點如亂星諸夷結舌不能語戒館役
黑夷未黃昏卽自閉前後戶市肆暫停交易諸貨旣
驟壅不行香港微有所聞猶未暢知其事知亦未盡
信也迨副兵目以咳嗽意入探夷館舉所見告會紳
士恐夷酋尙未深悉利害頓成糾結集縉公函語以
民間設勇事使通事齎書至領事所令轉致叟酋適
副目入探時方同集舊洋棧領事正寓其鄰慮書詞

至彼不克暢明曲折卽令傳語領事將親至曉之令
勿先避領事迎入招副目圍案而坐遂悉舉今昔情
事之不同者正告焉副目領事並唯唯
夷樓臨海凡
三間中爲客
座兩房皆役居之後爲臥室卽公司未撤時大班二
三班所居以理貿易之所也今領事司稅於此時同
登者七八輩領事接入有握手爲禮者予但遙揖之
辭亦一拱而行初至各尚齒圍圓棹而坐領事偕副
兵目及一幕友三人雜坐其中出茶敬客次葡萄酒
次則捲葉菸紙不甯而吸者彼稱孖姑烟是也稍久
則或起而閱所陳器三人惟副目不語中國官語餘
二人皆能爲北腔頗熟幕客者畧通華文而不甚了
了出紳士所致函招伍觀察欄邊質問其所未達者
函中有不可激成一語誤以爲攻擊之擊疑云以兵

攻彼伍徐舉以水激石義語之頓悟壁上懸三鏡一
蘭崙圖一諭倫三花橋圖一則屢門圖也當幕客與
佐欄邊問答時二夷在座予察其詞色溫平指蘭崙
圖問領事謂爾王有城不居而為宮室於外以為不
恃城衛殊不知官外環以礮臺其畏人攻伐不視城
更甚乎彼笑而不能答又指三花橋圖曰爾國既賣
水收稅於民設中國亦有此則此珠江皆銀海矣領
事轉述以語副目繼問予何以知之予曰五大洲皆
在域中近事不知尚讀古書耶因指屢門圖曰設當
時仍守舊礮臺爾國何從入此不過一時事耳不能
視為常局即如入城之事似乎先有約在而紳民意
中並以前兵目先不宜背約私入耀兵致多⁴⁰欽差
大臣不能不許是成約彼此皆無定則踐否亦無定
矣今香港綠衣兵與護貨兵皆非肯戰者爾幸兵少
倘兵多遽挾之入則殊失紳士意副目出而咳嗽請
矣二人不覺點頭而終亦無語

自後停止入城議之文亦至奏入

聖情大悅

諭曰夷務之興將十年矣沿海擾累糜餉勞師近年雖畧臻靜謐而馭之之法剛柔不得其平流弊以漸而出朕深恐沿海居民有蹂躪之虞故一切隱忍待之蓋小屈必有大伸理固然也昨因英夷復申粵東入城之請督臣徐廣縉等連次奏報辦理悉合機宜本日又由驛馳奏該處商民深明大義捐資禦侮紳

士實力勸入城之議已寢該夷照舊通商中外綏靖不折一兵不發一矢該督撫安民撫夷處處皆扶根源令該夷馴服無絲毫勉強可以歷久相安朕嘉悅之忱難以盡述允宜懋賞以獎殊勲徐廣縉着加恩賞給子爵准其世襲並賞戴雙眼花翎葉名琛着加恩賞給男爵准其世襲並賞戴花翎以昭優眷所有粵省文武各員着徐廣縉等擇其尤爲出力者酌量分別保舉候朕施恩至我粵東百姓素稱驍勇乃

近年深明大義有勇知方固由化導之神亦係天性之厚難得十萬之衆利不奪而勢不移朕念其翊戴之功能無惻然有動於中乎着宣布朕言俾家喻戶曉益勵急公向上之心共享樂業安居之樂第其勞勩錫以光榮毋稍屯膏以慰朕意欽此時將軍穆特恩副都統烏蘭泰託恩東額水師提督洪名香粵海關監督祥麟並以合力同心各盡其職照軍功議叙粵中紳士候補道許祥光歸新班卽選候補卽中伍

崇曜以道員選皆給三品頂戴員外郎金菁茅鮑俊
並以郎中選同知許禮光儘先選書院監院教官梁
廷枏張應秋丁熙各給內閣中書銜羅家政給五品
銜家政應以子貴覃思封太僕卿以方服官不受封故請五品銜餘各就原職加

獎有差督帶城內外河南壯勇者三百七十三人皆

咨部獎有職者遞進一階無則給以九品職已酉同

云茲聞同仇偕作義著聲詩連茹彙征象昭大易自
來縉紳筮仕錄誌同官所以示共事之緣即以寓相
維之義至若士流登進首重初階同案同房各存譜
籍不獨鄉會科之同年叙齒貫閭綦詳沿及後嗣稱

謂攸資交情互倚之通行宇內也他如歷開事例名目懸殊然甫截耶期亦必次其後先都爲一帙者蓋彈冠相慶聯步齊登取便檢查不嫌蛇足由斯推類悉數難終矧以事關中外之大防而特異如我等今日之同受品秩一視同仁者使不爲之記其緣起列厥芳名將永矢弗諼之謂何毋乃怠忽承之乎當道光二十九年二月夷人之申請入城也事則違例而成約是循文牘要求萬難自止惟是撫之已成大局彼詭以禮至未可遽詰戎兵勢處兩難倘當事稍一依違卽已大拂民志且果聽其窺我郭郭履我城衝恐變故猝乘難善厥後院憲徐葉二公知衆心之不可棄夷情之未可徇也躬臨海澨誠諭而嚴拒之至再至三足以奪其氣於是粵秀書院肇發柬啟集紳賢商議條約普勸城廂內外以逮省河之南使各就各地各選各社整械明燈自巡其境不假招募不領經費旬日之內如響斯應如轍斯

台一時得十萬人夷館耳目切近始而駭繼而畏終而服而後貼然受範市易相安事遂寢息大吏以

聞

成皇帝聖心嘉悅爰沛懋賞給督撫以子

恩吉我粵東百

男

世爵宮紳獎擢有差恭讀

男世爵宮紳獎擢有差恭讀

恩吉我粵東百

姓

深明大義有勇知方難得十萬之衆利不奪而勢

不移朕念其功戴之功能無惻然有動於中乎着該

督

等第其勞勩錫以恩榮毋稍屯膏以慰朕意欽此

督等第其勞勩錫以恩榮毋稍屯膏以慰朕意欽此

在

我等此舉念固因公亦期自衛當時曾蒙官稿獎

在我等此舉念固因公亦期自衛當時曾蒙官稿獎

許

伐石按地作六坊紀其名姓此心已云不負何圖

許伐石按地作六坊紀其名姓此心已云不負何圖

聖

澤優濃有加無已大吏善承

聖澤優濃有加無已大吏善承

廣

予褒嘉在事董率者給以一命之榮原有品銜則

廣予褒嘉在事董率者給以一命之榮原有品銜則

遞

進一階三百七十三人各頒以印照恭錄

遞進一階三百七十三人各頒以印照恭錄

諭

旨冠其端將以所獎入告且籍送大部存之人人

諭旨冠其端將以所獎入告且籍送大部存之人人

共

冰洪施時時難逢咸興使義問延於後

共冰洪施時時難逢咸興使義問延於後

嗣

榮聲達乎遐陬與國同休永永勿替伏念我等

嗣榮聲達乎遐陬與國同休永永勿替伏念我等

幸

祭天威肅將海邦安謐之時一介編氓濫邀

幸祭天威肅將海邦安謐之時一介編氓濫邀

冠帶洵爲過分允宜聯列名姓附以鄉貫里居三代仕履勒爲一編各藏諸家垂之永久庶使他時顧名思義敬誌不忘是用滌毫將受是役也海內智勇之思始末敬書其簡端

士咸歎繼者之無所措手而夷酋自謂詞直理順亦更不作絲毫將就之想以爲百姓雖衆若抗違官命卽屬叛民粵民斷不肯出此故始終責樞紐於官且自香港整掉以入虎門旣無所阻此外卽非所慮况官畏生事勢不得不衛以兵旅百姓其如官兵何初不料督撫之協力同心有以感紳民之速之深一至

於此宣

旨後已不能斤斤責於官矣倘其始終不悔則入者
不旬日必片板無存此時亟圖自全之術惟有退居
海外知他國之以恥笑見激實速其禍棉塞兩耳庶
不致並香港駐足之地亦遭折毀帆隨湘轉尙見知
幾蓋當時新安先設有社學九龍附近尖沙一帶貧
民向以牛羊石米濟夷不過利其厚值而久矣苦其
暴戾積怒者深其春已自爲團練將俟夷衆一離香

港駭起殺其寥寥守者毀其樓舍付之一炬夷入虎
門一步方爲百姓所拒入內河愈深見拒愈衆萬不
暇外內兼顧事幾捷如影響若數計而龜卜焉然鮮
隙從此復開雖快意一時究非謀國之善不如其自
知之而自止之

國威以是而伸

聖心以是而慰馭夷操縱之方以是而行尤爲美善
並臻之道是可識方隆之

國運耳

論曰當夷事初起民謠無端自城遞傳鄉曲七字爲句多離奇難解有曰寅虎之年定干戈者其後果以壬寅就款豈天地劫數之一定不可逃者乎自虎門陷夷接跡省河所求率悖理疊出市斷商舟皆載兵至以日而增甫撲廈門知不可久則巢浙之甯波又以餘力攻乍浦緣是以突入長江其勢甚兇其志甚銳兵隊皆出雇募酬貲重而驅策嚴火器又爲西海

數百年長技我軍之比不盡關武備之廢弛與將帥之無謀也林文忠理海事首先至粵旋秉節鉞所徵者粵兵所籌者粵餉但一意嚴守口岸使藩籬自固臨海門而激勵之衆卽爲用終其任未嘗有所挫失論者遂謂文忠倘獲始終其事必能令桀驁之夷叩關悔罪由我操縱畏若神明爲此說者誠有見文忠聰達諳練集思廣益視國如家兵旅所過文戒預頒村市秋毫無擾及遇敵臨陣又教以成法人人爭先

其忠勇之氣早有以懾服遠人推誠士卒夫是以信
於事先萬口同詞耳不知夷意主爭市侖利傾國以
求嘗試先定曠日持久之謀不得逞於粵則肆毒於
閩浙粵能阻其入不能阻其出省河內擾之日文忠
適奉如浙之

命夜送諸佛山方且臨別欷歔歎洋氛不知何時可
了蓋至是雖文忠亦無如何矣然夷之伎倆全在啊
喝以取虛聲兵食資於商人貨滯則商無所出船愈

多而費愈重漢奸雖有供火食者究非可長特往往
重子息假諸澳夷不可得以禮拜日責捐於商有僅
應以數員者明明勢已窮蹙久將益乏文忠刺取其
新聞紙與月報洞悉其情持之頗堅旣而事起波瀾
猶深扼腕果使粵中無六百萬之與帆航鱗集售烟
爲食所得幾何曷敢他出縱至浙至江何能爲且亦
斷不肯以空虛難繼之貲深入南北適中進易退難
之地者鄭成功之冒險一試轉瞬而舍舟逃命彼獨

無所聞見乎況粵議欵時佛山礮已鑄成所未備者
船械而已戰於外海必求巨艦今旣層阻深入盤桓
內港東南洋商船之在省河拖風繒艫之泊陳村一
日可招者以百十計倘移欵夷之力以收召漢奸嚴
備守禦此中良有把握卽不然以堵河設勇之數百
萬與泥城編紮製造之物移諸戰守明罰厚賞背城
一戰未嘗不可驅夷於海外顧大用所在非文忠無
見及者惜乎其去之稍速也琦侯之欵夷也所許數

與粵他日同而前之款無他省之累後之款開他省之端從後日款於江者而兩兩較之不得謂琦侯鹵莽而許乏先見之明所不能解免於衆口者天津初接無所持以折服諸夷之膽反以粵事辦理不善爲言適足長夷驕而啟夷侮迨抵粵又取所備一切而盡裁之事事務與相反而卒爲所挾至此然後知夷之詭詐出意料外自怨所請有因而不見信於君上不見信於粵民至於匹馬單騎赴

萬壽宮怡中丞邀而返之其志可悲其事可諒然而
晚矣臧孝廉之伏勇散戰施於近海水陸是卽予四
省造船抽兵以尾追爲牽制之策彼用於內河此用
於外海用於內河者勝在一時用於外海者利在久
遠夷所以輕我舟師之故以市粵久耳目所及知師
船創造限費監修者復從而減剋之弁兵畏風浪沙
礁心膽先怯不能駕駛如履平地一旦使舟如馬梭
織相遇彼方借商舟爲兵船長短異度勢必孤行見

我聯踪安得不懼而變計哉廢然而返匪直一時之利而已祁敏肅公調予於潮以告養入辭謂予靜者心多妙盍告我今茲所亟退卽以是陳善而不用未幾

廟謨果有船政之舉假使當事於奉

旨飭查少卿金應麟監生方熊飛請造之便合四省通融製造派令巡洋不必購木越南恃捐紳士已得一勞永逸之計矣今天下非無講求勝夷之法也不

日多日言
日以夷攻夷卽日師夷長技姑無論西夷同一氣類
雖日爲蠻觸爭而萬不肯爲中國用也就令樂爲我
用而一舟之費內地可調兵數千敗必索償勝更求
無底止終難以善其後

天朝全盛之日旣資其力又師其能延其人而受其
學失體孰甚彼之火礮始自明初大率因中國地雷
飛礮之舊而推廣之夾板舟亦鄭和所圖而予之者
卽其算學所稱東來之借根法亦得諸中國但能實

事求是先爲不可勝夷將如我何不然而反求勝夷之道於夷也古今無是理也雖然服之而已矣何必勝

夷氛聞記卷五終